

इवनिंग डोगरी न्यूज़ बुलेटिन

समे 18:15 Hrs

Headlines

- खजाना मंत्री निर्मला सीतारमण होंरें जम्मू-कश्मीर दी अर्थबवस्था गी फही पटरी पर लोयोने लेई- जम्मू-कश्मीर सरकार आसेया इत्त भेठा ध्यान केन्द्रित करने आहले रौंह दी सराहना कीती।
- मुखमंत्री उमर अब्दुल्ला होंरें उमरी च राहत देने आहले मामले दे बकाया रौहन्दे होई JKAS Preliminary इम्तेहानें पर चिंता बुज्झी ऐ।
- सरकार नै इंडीगो गी सब्बनं प्रभावित मुसाफिरें दे बकाया पेदे किराएं गी बिजन चिर लाए दे बागुजार करने दे निर्देश दिते न।
- जम्मू-कश्मीर सैलसफा विभाग नै IITM हैदराबाद च Eco-Tourism Hotspot Award जिती लैता ऐ।
- आकाशवाणी जम्मू दे प्रांतीय समाचार एकांश नै अज्ज अपना 55मां स्थापना दिवस मनाया। इस मौके पर बेहतर कारकरदगी करने आलें अमलें गी सम्मानित कीता गया ते लाईफ टाईम एचिवमैन्ट अवार्ड बी प्रदान कीता गया।

<><><><><><>

FM- Economy

केन्द्रीय खजाना मंत्री निर्मला सीतारमण होंरें सैलसफा सैक्टर गी बड़े बड़्डे झटके दे बाद केन्द्र शासित प्रदेश दी अर्थबवस्था गी नमें सिरेया पटरी पर आहनने लेई जम्मू-कश्मीर सरकार आसेया कीते जा दे जतनं दी सराहना कीती ऐ। इक निजी मीडिया संगठन आस्सेया लोआए गेदे लीडरशीप समिट च बोलदे होई- उनें जम्मू-कश्मीर दी अर्थबवस्था गी परतियें नमीं जान भरने लेई कीती गेदी पैहलकदमियें पर लौ पाई ते आखेया जे एह इक ऐसी उपलब्धि ऐ जेदे पर मुख्य गी गर्व ऐ। उनें जोर देइयें आखेया जे इनें उपाएं कन्नै मौजूदा चुनौतियें दे बावजूद केन्द्र शासित प्रदेश गी स्थिर बनाने च मदद थोई ऐ।

<><><><><><>

CM JKAS

मुखमंत्री उमर अब्दुल्ला होंरें अज्ज “एक्स” पर ट्वीट करियें JKAS म्तेहानें दे ख्वाहिशमंद मेदवारें दी उम्मी च छूट दिते जाने आले फैसले पर लोक भवन आसेया लाए जा रदे चिर पर चिंता बुज्झी ऐ। उनें आखेया एहदे कन्नै JKAS मेदवारें पर तनाब बधा रदा ऐ। अपनी पोस्ट च मुखमंत्री होंरें JKPSK गी अपील कीती जे ओ स्थिति दा जायजा लेइयें JKAS Preliminary इम्तेहानें गी अगड़ा पाई देन तांजे सब्बै मेदवार इस मौके दा फायदा ठोआई सकन। उनें इत्त भेठा संतुलित रवैइये दी जरूरत पर जोर पाया तां जे मेदवारें गी ओहके हालात करी नुकसान नैई पुज्जै- जेहके उन्दे काबू च गै नैई हैन।

<><><><><><>

IndiGO Refund

नागरिक उड्डयन मंत्रालय नै इंडीगो गी ताकीद कीती ऐ जे ओ- 7 दिसम्बर 2025 संजा 8 बजे तक रद्द जां प्रभावित होई दियें डोआरियें करी- यात्रुएं दे हवाई किराएं दी वापसी करी देन। एयर लाईनज़ गी ताकीद कीती गेई ऐ जे ओ प्रभावित यात्रुएं थमां Rescheduling दी फीस नैई लैन- जेकर इस हुकमे दी खिलाफवर्जी

कीती गई- तां उंदे खिलाफ कारवाई कीती जाई सकदी ऐ। इंडीगो गी चाहिदा जे ओ इस सरबंथे च सहयोग ते रिफंड कॉल कायम करै ते जिच्चर उंदियां हवाई सेवा बहाल नई होई जंदियां- उच्चर यात्रुएं दी मदाद लेई आटोमैटिक रिफंड आला सरिस्ता जारी रवै। मंत्रालय नै औंदे 48एं घंटें च यात्रुएं दे समेयान दी पंछान करियै- प्रभावितें दे घरें तकर पुजाने दी ताकीद कीती- तां जे यात्रुएं गी मास्सा परेशानी नई होवै- वशेष करी-बुजुर्गे ते दिव्यांग यात्रुएं गी। तौआई मुख मंत्री उमर अब्दुल्ला होरें इस एयरलाईन मसलें करी हवाई आओ-जाई च पेदी खौदल पर गैहरी चिंता बुज्झी ऐ।

<><><><><><>

Dy CM Rajouri (Byte)

उपमुखमंत्री सुरिन्द्र चौधरी होरें अज्ज नौशैहरा राजौरी च नमीं बनी दी अस्पतालें दी ईमारत दा निरीक्षण कीता। PWD अधिकारी बी इस मौके उंदे कन्नै है। उनें ठेकेदारें दी लापरवाही कारण निर्माण कम्में च लग्गने आहले चिर पर चिंता बुज्झी। उप-मुखमंत्री होरें अफसरें गी बकाया पेदे कम्में गी तौले मुकम्मल करने दे निर्देश दिते- तां जे ईमारत दा निर्माण कम्म तौले शा तौले पूरा कीता जाई सकै। उनें जोर पाड़यै आखेया जे अस्पतालें दा निर्माण कम्म बड़ी पैहलें सबूरा होई जाना चाहिदा हा। उनें निर्माण च होर मता चिर लग्गने थमां बचा लेई सख्ती कन्नै निर्माण कम्म दी निगरानी करने दे निर्देश दिते। इस निरीक्षण दा मकसद जिले च सार्वजनिक बुनियादी ढांचे ते बेहतर सेहत सहुलतें दी बेल्लै सिर दस्तेयाबी गी यकीनी करना हा। इस मौके पर बोलदे होई उपमुखमंत्री होरें आखेया.....(बाईट)

<><><><><><>

CS Meeting

मुख सचिव अटल डुल्लु होरें जंगलात ते कृषि उत्पादन विभाग ते CSIR-IIIM जम्मू दी इक सांझी मीटिंग दी अध्यक्षता कीती ते जम्मू च फसलें ते व्यवसायिक उत्पादन ते औषधीय ते बाश्ना युक्त बूहटे-पौधे दी बड्डे पैमाने पर रड़ जकीनी करने लेई रुप-रेखा तयार करने दे निर्देश दिते। उनें बड़ी मती समर्थ दे बावजूद इस सैक्टर च छड़ी 12 करोड़ रुपें दी सालाना उत्पादन पर चिंता बुझदे होई आपसी तालमेल- वैज्ञानिक ते बजारें स्हाबै तरीकाकार अपनाने पर जोर पाया। मुख सचिव होरें विभागें गी व्यवहारिक बनकियें दी शिनाख्त करने पैदावार मॉडलें दा विकास करने-नर्सरियें गी तगड़ा करने ते करसानें गी सखलाई देने दे निर्देश दिते। CSIR-IIIM ते SKUAST तकनीकी सहयोग देगन तां जे जम्मू-कश्मीर च MAP आधारित जैविक अर्थबवस्था दा निर्माण करियै करसानें दी औंदन बधाई जाई सकै।

<><><><><><>

JK Tourism

जम्मू-कश्मीर सैलसफा मैहकमे नै हैदराबाद च 4 दिसम्बर गी शुरु होए दे इंडिया इंटरनैशनल टूरिज्म मार्ट च ईको-टूरिज्म हॉटस्पॉट अवार्ड जितेया ऐ। एह पुरस्कार टिकाऊ सैलसफा ते बड्डे बजारें च हाल च गै बढ़ावा देने आहली गतिविधियें च विभाग दे जतनें गी मान्यता दिंदा ऐ। जम्मू-कश्मीर दे स्टॉल नै खास तौरा पर रोमांच ते ब्याह-शादियें सरबन्धी सैलसफा च मती दिलचस्पी हासल कीती ऐ। किश्तवाड़ ते वुल्लर-मानसबल विकास प्राधिकरण ते जे.के.टी.डी.सी. दे वरिष्ठ अधिकारियें समेत प्रतिनिधिमंडल नै तेलंगाना ते होरनें राज्यें दे

दूर संचालकें आहले संगठनें कन्नै बी मलाटी कीती- तां मुख्य भरै दे हितधारकें कन्नै मजबूत सहयोग ते सार्थक बपारिक कोशिशें गी बढ़ावा दिता जाई सकै।

<><><><><><>

RNU Foundation Day (Byte-2)

आकाशवाणी जम्मू दे क्षेत्रीय समाचार एकांश नै अज्ज अपना 55मां स्थापना दिवस मनाया। इस मौके पर इक समारोह दा आयोजन कीता गया- जेदे च कर्मचारियें दा सम्मान- सांस्कृतिक कार्यक्रम ते विशेष प्रसारण बी शामिल ऐ। डी.डी.जी. इंजीनियरिंग जे. रविकांत बाबू- आकाशवाणी जम्मू दे क्षेत्रीय समाचार एकांश दे साबका प्रमुख आर.के. रैना ते एहदे इस बैले दे प्रमुख एन. गुलशन रैना सनें मन्ने-परमन्ने दे परौहनें इस एकांश दी विश्वसनीयता ते सेवा दी सराहना कीती। डोगरी दे साबका समाचार वाचक ते अनुवादक नरेन्द्र भसीन होरें गी लाईफ-टाईम एचीवमेंट अवार्ड प्रदान कीता गया ते जिला संवाददाताएं गी प्रशस्ति -पत्र दिते गे। 1971 च स्थापित एह एकांश इस खेतर गी स्टीक ते भरोसेमंद खबरां उपलब्ध करा रदा ऐ। अपने विचार सांझे करदे होई साबका समाचार वाचक नरेन्द्र भसीर होरें आखेया

अज्ज दे समारोह बारे बोलदे होई एकांश दे प्रमुख एन-गुलशन रैना होरें इस चाल्ली आखेया

<><><><><><>

Reasi Road (Byte)

ग्रामीण ढांचे गी बढ़ावा दिंदे होई रियासी जिले गी अघार बलियां गां थमां इक महत्वपूर्ण सिड़क पर लुक पाने दे कम्म लेई 80 लख रुपे थहोए न। रिपोर्ट मुजब इस विकास कम्मै दा मकसद आले-दोआलें दे ग्राएं दे 25 जहार शा मते बसनीकें आस्तै सम्पर्क च सुधार करना ऐ। उन्नत सिड़क कन्नै यात्रा गी सुगम बनाने- सवाएं तगर बेहतर पुज्ज ते आर्थिक गतिविधियें च बाददा होग। रियासी दे विधायक कुलदीप राज दूबे होरें हेठली सतह पर बुनियादी ढांचे दे प्रति सरकार दी वचनबद्धता गी फही पक्का कीता- जिसलै के पी.डब्ल्यू.डी नै म्यारी मानकें गी बरकरार रखदे होई समें-सिर कम्म पूरा करने दा भरोसा दोआया। बसनीकें लम्में चिरे थमां बलगोआ रदी इस परियोजना दा सोआगत कीता। इस मौके पर बोलदे होई विधायक कुलदीप राज दूबे होरें आखेया

<><><><><><>